



UNIVERSITÄTS-
BIBLIOTHEK
PADERBORN

Modi LX Sacrae Orationis variè Formandæ

Kojałowicz, Kazimierz Wijuk

Antverpiae, 1668

Modus Decimus Nonus.

[urn:nbn:de:hbz:466:1-69292](https://nbn-resolving.org/urn:nbn:de:hbz:466:1-69292)

tinam non nossem hunc amicum, illam amicam, hunc pædagogum, illum puerum; quos quia æquò magis amabam, non sinor introire in Regnum cælorum. Monet ergo Sapiens Proverb. 27. *Diligenter agnosce vultum pecoris tui, tuosq; greges considera, non enim habebis jugiter potestatem, sed Corona tribuetur, in generationem & generationem.* Hebræa legunt: *An corona in generationem & generationem?* Nota interrogationem? An? & à te sapius require. An pecus quod intueris, an vellus amicitia, sit tibi in coronam? Nam nisi sit, hostes & lupi sunt, non amici, nec oves, quamvis vellere amicitia te-gantur,



MODUS DECIMUS
NONUS.

EX occasione sensus Evangelii, assumitur locus alterius scripturae ex veteri testamento, aut ex Epistolis Apostolorum, qui sensui Evangelii illustrando, aut explicando conferat. Totus deinde sermo, assumpto loco innititur, atque conformiter ad argumenti exigentiam perficitur. E. g. in Festo S. Mariæ Magdalenæ, eximiè posset tractari locus Isa. Cap. 35. *Et quæ erat arida, erit in stagnum, & sitiens in fontes aquarum. In cubilibus, in quibus prius Dracones habitabant, orietur viror calami, & jun-ci. Et erit ibi semita & via, & via sancta vocabitur.* Similiter Dominica 16, post Pentec. ad illa ver-

G ba

ba Luc. 14. *Et observabant eum, posset tractari illud*
 Psalm 11. *Impii in circuitu ambulant.* Tres enim
 circulos, observatores facere consueverunt. Primus
 est, Ineptæ curiositatis, qua circumeunt omnia,
 ut imitentur illum, qui dicit Job. 1. *Circuivi terram.*
 Secundus, supervacaneæ investigationis. Post-
 quam enim in observationibus suis diu luserint, a
 suspicionibus egressi, in eadem ferè desinunt, & in-
 tra eas remanent. Tertius est Damnosæ illatio-
 nis. *In quo enim alium iudicas, te ipsum condemnas*
 inquit D. Paulus ad Rom. 2. Sit.

P R A X I S.

In die Sacratissima Circumcisionis D. N.
 J. C. Vocatum est nomen eius JESUS.

Luc. 2.

Accessus & Propositio. Dubium non est, fan-
 guinis hodiernam, in Christo effusionem, ma-
 ximis in genus humanum beneficiis exundasse.
 Hoc ipsum, sacratissimo nomine JESU, signifi-
 candum, olim à Spiritu Sancto est edictum, cum
 Cantico. 1. 2. per sponsam diceret: *Oleum effu-
 sum nomen tuum.* Insistamus igitur nostris sola-
 tiis, ut quæ beneficia hodie in nos promanarint,
 ab hoc oleo effuso, id est nomine
 JESU discamus.

Confirmatio, constare debet explicatione
sententiæ: *Oleum effusum &c.*

D. Abbas Clarævallis, cum hæc verba, *Oleum effusum nomen tuum. Ser. 18.* expendit, & cum illis *Isa. 9. vocabitur nomen ejus admirabilis*, confert, sic egregiè utraque componit. Vocabitur inquit nomen ejus admirabilis, Deus, fortis, Pater futuræ sæculi, *Princeps Pacis. Primum, tertium, quartum, majestatem sonant, reliqua pietatem. Quid horum ergò effunditur? profectò Majestatis ac potentie nomen, in id quod est pietatis, transfunditur abundè per Jesum Christum Salvatorem nostrum*, quibus verbis D. Doctor clarè significat. *Oleum effusum esse nomen JESU*, quia nomen hoc sacrosanctum, ostendit infinitam Dei in nos pietatem, verissimè profectos, sed ut pietas hæc apertius pateat, triplex potissimum, Olei effusio revocanda. Oleo sanantur vulnera Jerichontini peregrinait, *Luc. 10.* Oleo providetur extremæ viduæ pauperis necessitati. *3. Reg. 17.* Oleo inaugurantur Reges, David, Salomon, Jehu & alii. O salutarem effusionem! O nobilem piissimi nominis JESU significationem! *Oleum effusum nomen tuum JESU*, effusum ad nostram sanitatem, effusum ad nostræ egestatis opulentiam, effusum ad nostræ debilitatis robur, & humilitatis exaltationem.

Jacebat magnus ægrotus, id est mundus, juxta D. Aug. Et cum tam diu jaceret *Is. 1. 6. Vulnerus, & livor, & plagatumens, non est circumligata, nec curata medicamine, nec fota oleo, donec DEVS noster,*

Deus saluos faciendi Psal. 67. descenderet in mundum, & vocatum nomen ejus JESUS. Oleum verè effusum, nomen istud, ad curanda nostrorum peccatorum vulnera, quemadmodum explicuit Angelus. *Vocabis nomen ejus JESVM, Ipse enim saluum faciet omnem populum.* Matth. 31. à peccatis. Quare B. Cyrol. Jerol. Cath. 10. dicit, nomen JESU, ex Græco, significare medium: quando quidem, ut ibidem subdit & *corporum est medius, & animorum* & D. Epiphani. Heres. 29. inquit, JESUS in Hebræalingua, Curator appellatur, aut medicus & Salvator. Sed piissimè ac mellifluè Bernar. Ser. 15. in Canti. O nomen benedictum! O oleum usque quaque effusum! Quousque? de cælo in Judæam, & inde in omnem terram excurrit, tum pergit. *Ecce CHRISTVS: ecce JESVS, utrumq; effusum Angelis, utrumq; effusum in homines: & illos homines, qui computruerant, tanquam jumenta in stercore suo: homines & jumenta saluaris, quemadmodum multiplicavit misericordiam suam.*

Nec sufficit pietati divinæ, oleo hoc, curata nostra vulnera, quin subveniretur egestati. Verè pauperes facti sumus nimis Psalm 78. cum donis gratiæ & spe cælesti, per admissa scelera privati, extrema egestate premeremur; sed oleum effusum nomen JESU, de quo ipsa veritas: *Si quid petieritis Patrem meum in nomine meo, dabit vobis* Joan. 14. Expende liberalitatem promissionis. *Si quid*, non restringit, non arctat promissa. Aude, & pete in nomine JESU; nihil non obtinebis, quamquam sæpe, à te

pet

per idem nomen petens pauper, ne obolum obtinet. Ad rem nostram Paulus 2. ad Cor. 8. *Scitis gratiam Domini nostri IESV CHRISTI, quoniam propter vos egenus factus est, cum esset dives, ut illius inopiã vos divites essetis.* Quid est hoc dicere; nisi dicere, oleum effusum nomen ejus, ad ditandam nostram inopiam: Unde iterum citatus Bernar: ad illa verba Psal. 21. *Sicut aqua effusus sum, Effusa est, inquit, plenitudo divinitatis, habitans super terram corporaliter: ut de illa plenitudine, omnes qui corpus mortis gestamus, acciperemus.* Et Philo Carpati. ad id Canti: *Oleum effusum. Hoc est nomen illud effusum, summa charitas, ardentissimus amor Creatoris, ad creaturam. Mortalis venit, ut nos semper pateremur: mortuus est semel, ne nos in perpetuum moreremur.* Licet, licet vere omnibus D. Ambr. affectu exclamare Lib. 2. in Luc. *Maluit sibi egere, ut omnibus abundaret! Oleum effusum nomen ejus.*

Denique, oleum effusum nomen ejus ut essemus, *Gens sancta, Regale sacerdotium* 1. Petr. 2. 9. *heredes DEI, coheredes autem CHRISTI,* qui audire mereamur, *Possidete Regnum* Matt. 25. *attollimini de terra ad cælum, de fimo ad summum ut collocemini cum Principibus, cum Principibus populi sui* Psalm 112. *Ille in præsepibus, ait D. Ambr: in 2. Luc. ut tu in altaribus, ille in terris, ut tu in cælis; ille alium locum in diversorio non habebat, ut tu plures haberes in cælestibus mansiones.* Sic, pergit Hilari: lib. 2. de Trinitate. *Humilitas ejus, nostra nobilitas est, contumelia ejus, noster honor est, quod ille est DEVS in Carne consistens, hoc nos vicissim, in Deum*

ex carne renovati. Quod olei effusio, seu unctio, significaret in Christo dignitatem Regiam, explicans ep. 140. D. Hier. Sic ait. *Qui typum illius præ-
rulerunt, & regnandi consortes dicti sunt, oleo corruptibilibus sunt inuncti.* Hic verò filius DEI, à DEO Patre oleo exultationis, hoc est Resurrectionis, Ascensionis, dominationisq; est delibutus. Nil obstat, quominus per accomodationem, sensum verborum ad nos convertamus, & intelligamus, nos in Regnum Dei, oleo effuso sanctissimi nominis JESU, tanquam oleo exultationis, Resurrectionis & Dominationis immortalis unctos, ut grati tantæ dignationis, & exaltationis, iteremus cum D. Apostolo sapius Ap. 1. 5. *Dilexit nos, & lavit nos à peccatis nostris in sanguine suo, & fecit nos Regnum, & sacerdotes, Deo Patri: Ipsi, gloria & imperium, cuius nomen oleum effusum, in sæcula sæculorum.*



MODUS VIGESIMUS.

INterdum, non sententia tantum alterius loci tractatur: sed totum caput, aut Psalmus, intento Evangelii & explicationi accommodatus: ut si de immaculata Deiparæ conceptione dicturus, assumes Ps. 36. *Fundamenta ejus in montibus sanctis,* aut de Resurrectione servatoris & Domini nostri. Psalm. 2. *Quare fremuerunt gentes &c.* aut de Ascensione Psalm. 109. *Dixit Dominus Domino*